

29. oktober 2018

UKA2018/80

Nuna tamakkerlugu Pinaveersaartitsinermut Siunnersuisoqatigiinnik pilersitsinissaq pillugu kingusinnerpaamik UPA2019-mi siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Siunnersuisoqatigiit Naalakkersuisunut, Inatsisartunut taamatullu kommuninut siunnersuisartuussapput Atulissallutillu najukkani pinaveersaartitsinermut ataatsimiititaliaq. Imigassaq aamma Ikiaroorartoq pillugit Siunnersuisoqatigit kiisalu immaqa Peqqinnissaqarfinni Pinaveersaartitsisutut siunnersortitut atorfillit taarserlugit.

(Inatsisartunut ilaasortaq Tillie Martinussen, Suleqatigiissitsisut)

Inatsisartunut ilaasortap Tillie Martinnusen Suleqatigiissitsisut Pinaveersaartitsinermut Siunnersuisoqatigiinnik pilersitsinissaq pillugu siunnersuutaanut imaattumik Siumumiik oqaaseqassuugut.

Siumumiik kissaatigiuaannarparput pinaveersaartitsineq aqputigalugu inuiaat peqqinnarnerusumik inuuneqarnissaannut aqputissiuussineq isumaginniffiit tamarmik suleqataaffigisaannik ingerlanneqassasoq.

Pinaveersaartitsineq sorpassuarnik imaqarpoq. Nerisartakkatsinnit tunnavoq, imigassamik atuinnermut tunngavoq, ikiaroorniutinut atuinnermut, pujortartarnermut tunngavoq, ajoqusernermut ajunaartarnernullu tunngavoq, piumassuserinngisamik naartulersoortarnermut tunngavoq, ila taajorneqarsinnaasunut allarpassuarnut aamma tunngavoq.

Qulaani taasakka qujanarluinnartumik Kommuunit arlalippassuartigit namminneerlutik suliniuteqarnermikkut ajunngilluinnartumik ingerlatsipput. Pinaveersaartitsinermik siunnersutsinik atorfeqartitsipput, miljøarbejderinik taasartakkanik atorfeqartitsipput ullumikkullu illoqarfinni tamaasanni ilaqutariit illuunik taaneqartartunik pilersitsinikuupput pitsaaluinnermik mikigisassaangittumik suliaqarfiusunik.

Taakkua saniasigut peqqinnissaqarfiit ilaat eqeersimaarlutik peqqissuunissamik siunertalimmik innuttaasunik peqataatitsisarnerat ingerlanneqarluni.

Tassa naatsumik oqaatigalugu oqartariaqarpugut sakkussat pigisagut aallaavigalugit inoqarfinni iliuuserineqartut annertuut ingerlanneqarput ilisimasallu annertusiartorlutik.

Inuuneritta II-mi 2017-mi piffissap qiteqqunnerani Kommuunit suliaasigut naliliineq takugaanni pitsaanerpaangittoq takusinnaavarput. Kisianni taakkuupput ullut tamaasa pinaveersaartitsinermik inuit attorlugit suliaqartut ilaatigullu aamma amerlasuutigut ajunngittumik angusaqartartut.

Soorunami pitsaaneruseriaqarnerat siunertaralugu suleqatigiinnerup pitsaanerujuaannarnissaa ujjartortuassagipput Siumumiik isumaqarfingaarpud.

Siunnersuisoqatigiilioqattaaginnarnikkulli inuunerinnerulersinneqarsinnaanersugut apeqquserparput. Siunnersuuteqartullu nammineerluni nukinnik atorluanaanissamik taasaqarnera isumaqatigalugu oqartariaqarpugut nukiit atorluarnerpaasinnaasugut tassaasut inoqarfinni innuttaasut akornanni inooqataasut.

Taamatut oqaaseqarluta siunnersuut itingartipparput.

Jess Svane
Siumut